



Broj: 10/E-11-4943/25
Sarajevo, 08-08-2025 godine

Na osnovu člana 10c. stav (5), člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj: 23/04), a u skladu sa zahtjevom Službe za stambene i komunalne poslove od 08.08.2025. godine, Opštinski načelnik d o n o s i :

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge izdavanja saglasnosti nadležnog upravitelja ceste za projekat rekonstrukcije vodovodne mreže u ulici Hiseta (JP Ceste Federacije BiH d.o.o. Sarajevo).

Član 2.

Procijenjena vrijednost nabavke za usluge iz člana (1) ove odluke iznosi ukupno 312,00 KM, a sredstva su planirana u Budžetu Općine Centar Sarajevo za 2025.godinu, na budžetskom kontu: 821590-4. JRJN: 98390000-3 – Ostale usluge.

Član 3.

Ova Odluka odluka stupa na snagu danom donošenja i bit će objavljena na službenoj stranici Općine Centar Sarajevo.

O b r a z l o ž e n j e

Na osnovu zahtjeva Službe za stambene i komunalne poslove od 08.08.2025. godine za donošenje odluke o izuzeću za izdavanje saglasnosti nadležnog upravitelja ceste za projekat rekonstrukcije vodovodne mreže u ulici Hiseta, Kabinet općinskog načelnika – Odsjek za javne nabavke predlaže donošenje iste. Procijenjena vrijednosti usluga iznosi ukupno 312,00 KM bez PDV-a.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;*
- b) ta saradnja uspostavljena isključivo na osnovu potreba vezanih uz javni interes;*
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.*

Predmetne usluge se mogu obezbijediti od ovlaštenog upravitelja cesta za projekat izvođenja radova na rekonstrukciji distributivnog cjevovoda DN400 u ulici Hiseta, a na osnovu urbanističke saglasnosti od 09.01.2025. godine i Izvoda iz planske dokumentacije od 31.12.2024. godine.

Naime, odredbama Zakona o cestama FBiH („Službene novine Federacije BiH“, broj: 12/10, 16/10 i 66/13), a u skladu sa Uredbom o visini naknade za korištenje zemljišta uz javne puteve („Službene novine Federacije BiH“, broj: 7/11 i 58/15), definisana je nadležnost plaćanja naknada za izdavanje saglasnosti za korištenje zemljišta uz javne puteve.

Na osnovu pomenutih propisa, za usluge izdavanja saglasnosti za projekat rekonstrukcije vodovodne mreže u ulici Hiseta, nadležno je JP Ceste Federacije BiH d.o.o. Sarajevo.

Saradnja između federalnih organa uprave i općine se ostvaruje s ciljem osiguranje javne usluge, kojom se ostvaruju zajednički ciljevi, a to se odnosi na projekat izvođenja radova na rekonstrukciji vodovodne mreže u ulici Hiseta. Cijene predmetnih usluga su propisane odlukom Vlade Federacije Bosne i Hercegovine.

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14, 59/22 i 50/24) u skladu sa članom 10c. stav (5).

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 821590-4.

Shodno zakonu i općim aktima Općine, Opštinskom načelniku se dostavlja prijedlog odluke o izuzeću od primjene Zakona o javnim nabavkama na konačno odobravanje i saglasnost.

Cijeneći prethodno navedeno donesena je Odluka kao u dispozitivu.



Dostaviti:

1. Službi za stambene i komunalne poslove
2. Kabinetu općinskog načelnika - Odsjeku za javne nabavke
3. Službi za finansije
4. U spis